

Goibekokale

ELGETA / Barikua / 2001eko urriaren 26a / 73. zenbakia

KOORDINATZAILEA: Oxel Erostarbe • Barrenkalea, 33 2570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Herriko sarrerak konpondu ostean, autoek abiadura jaisteko neurriak pentsatzen

OXEL EROSTARBE

Herriko sarrerak konpontzen jardun ondoren, autoek herritik igarotzean daramaten abiadura jaisteko neurri egokiak pentsatzen dihardute Diputazioko teknikariak. Hartu beharreko neurriak Udalaren eta Diputazioaren artean adostuak izan beharko dira.

Azken bi asteetan, Elgetako sarrerak konpontzeko lanak egiten jardun dute. Bergarako irteerako bidean eta Elgetako sarreretan, zorua konpondu dute, lehengoa egoera txarrean zegoen eta. Elgetako sarreran zoru berria jartzeaz gain, bide ertzeko ubideak konpondu dituzte. Aste honetan bertan, bideak eta herriko zebra bideak margotzen aritu dira, eta bidean egin beharreko lanak amaitutzat eman dituzte. Egin dituzten lanek 21 milioiko kostua izan dute eta Diputazioak egin ditu.

AUTOEN ABIADURAGATIK KEZKATUTA

Diputazioko teknikariak eta Udalak, autoek herritik igarotzean daramaten abiadura jaisteko neu-



Bidea eta zebra bideak margotuta, bukatu dituzte errepideak egokitzeko lanak

ri egokiak zeintzuk diren pentsatzen dihardute.

Autoek abiadura jaitzi dezaten, hartu ditzaketen neurrien artean, guztiz baztertu dute abiadu-

ra jaisteko bandak jartzea. Diputazioko teknikarien esanetan, autoak abiadura egokia eraman dezaten, zebra bideak altxatu edo zoladura ezberdinak jartzea, izan

daitezke irtenbideak. Udala eta Diputazioa, hartu beharreko neurriak adosten ari dira. Oraingoz ez dago, neurri hauek noiz hartuko dituzten erabakita.

21 milioiko kostua izan dute, zoru berria jartzeko eta ubideak konpontzeko lanek

Diputazioko teknikariak, guztiz baztertu dute, abiadura jaisteko bandak jartzea

Zebra bideak altxatu edo zoladura ezberdina jartzea, autoek abiadura jaisteko irtenbideak

JENTREBISTAK/ Ze eritzi dakazu Gobernu batzordian banaketiaren gaiñian?

LABUR



IDOIA UBERA
33 urte

Nere ustez, gauzak alkarrekin egittia herrixandako onena da. Ze pasau dan ez dakit ondo, nahixago nuke alkarrekin gauzak aurrera ataratzia.




JOSU DE VEGA
41 urte

Herri txikixetan politikuak alkarrekin ez egotia lanerako prest dagon jendia atzera bota leike. Proiektu abertzalia eruan bihar leukie batera.



TERE DESKARGA
33 urte

Ez dakat banatzeko euki ditzuten arrazoien barri. Nere ustetan, batera lan egittia hobeto izango litzake. Herrixandako garrantzitsua izango litzake.



JOKIN ARANTZABAL
19 urte

Bi alderdi dirala jakinda, batera egin bihar leukie lan. Erabaki garrantzitsuenak alkarrekin hartzia herrixaren onerako izango litzake.



BEGOÑA ARDANTZA
56 urte

Herrixandako batera egoitia hobeto izan arren, ezin izan die alkarrekin konpondu. Konpondu eziñaren ondorixua izan da banaketia.

Domeka goizean perretxikotara Mayakoekin

Domeka goizean, Maya Inguirugiro Taldeak antolatutako perretxiko lehiaketa izango da.

Lehen Hezkuntzako 2 eta 3. zikloan eta Bigarren Hezkuntzan diharduten ikasleek hartu dezakete parte lehiaketan. Lau laguneko taldeak osatu beharko dira derrigorrez. Perretxikoak, goizeko 12:00-etarako plazara aurkeztu beharko dituzte. Lehiaketa eta gero, aurkeztutako perretxiko guztiekin, erakusketa egingo dute plazan.

TELEFONO JAKINGARRIAK

OSASUNA / LARRIALDIXAK
 Medikua 943 76 81 93
 Txandia hartzeko 943 76 24 40
 DYA 943 46 46 22
 Gurutze Gorrixa 943 22 22 22
 Odol emailiak 943 76 16 24
 Ertzaintza 943 76 53 40
 Suhiltzailiak 943 78 28 00

GARRIAUAK
 Taxiak 943 79 12 22
 Pesa 902 10 12 10

UDALA
 Buleguak 943 76 80 22
 Faxa 943 76 82 89
 Kiroldegia 943 76 82 84
 Eskola 943 76 82 26

BESTELAKUAK
 Parrokia 943 76 81 45
 San Andres Parrokia 943 20 11 51
 Farmazia 943 78 81 50
 Goibekokale (Goienkaria) 943 76 92 71
 Gaztetxea 943 78 90 43
 Guraso Elkartea 943 76 82 26
 Ozkarbi K.J.E. 943 76 81 49
 Intxorta K.J.E. 943 76 81 46
 Ozkarbi Pilota Taldea 943 76 81 49

MEZAK
 Zapatueta iluntzeko 19:30ean
 Domekataran eguerdik 12:00etan

OHARRAK

OLIO BILKETA

Hilero, Mayakoek egiten duten olio bilketa izango da gaur, urriak 26, arratsaldeko 18:00etatik 19:00etara. Sukaldean erabilitako olio batzeak, harrera nahiko ona izan du herritarren artean

Mayakoek, hilero egiten duten bilketan batzen duten olio, birziklatu egiten da gero, horretan aritzen den enpresa batean.

SINADURA BILKETA

Domekan, urriak 28, eguerdiko 12:00ak eta 14:00ak bitartean, Abiadura Handiko Trenaren aurkako sinadura bilketa izango da plazan.

Deba Goienero herri guztietan, sinadura bilketa hau egiteko asmoa daukate AHTren Aurkako Asanbladakoe.

Abiadura Handiko Trenaren aurkako banderak ere salgai izango dira eguerdian.

KIROLA

Estampaciones Intxortak 89 eta 19 irabazita hasi du denboraldia

OXEL EROSTARBE

Estampaciones Intxorta saskibalo taldeak, domekan hasi zuen aurtengo denboraldia. Iaz liga eta kopa irabazi eta gero, txapelketa irabazteko faboritoen artean dago. Lehenengo partidari, 89 eta 19 irabazi zion txapelketako talde gazteenetakoari.



Txapelketa irabazteko faboritoak dira Estampaciones Intxortakoak

Aurreko asteburuan ekin zion Eibarko saskibalo txapelketak.

Urtero moduan, Estampaciones Intxorta saskibalo taldeak, lehenengo artean egoteko taldea dauka. Zortzi taldek hartuko dute parte aurtengo txapelketan. Azitain Taberna, Maixa Taberna eta Estampaciones Intxorta dira txapelketa irabazteko faboritoak.

Hasiera ona egin dute elgetarrek txapelketan, lehen partidari, 89 eta 19 nagusitu zitzaizkon Telearines Club talde gazteari. Elgetarrak, hasiera hasieratik nagusi izan ziren markagailuan eta atsedenaldirako, neurkita erabakita zegoen elgetarren alde. Aurkako taldearekin alderatuz,

esperientzia handiagoa azaldu zuten elgetarrek. Azken emaitza, saskien azpian erakutsitako jokarekin bat etorri zen. Aipatu behar, Eñaut Arantzetak debuta egin zuen lehenengo partidari.

TXAPELKETAKO ONENEN ARTEAN
 Azken urteetan emaitza oso onak

lortu ditu Estampaciones Intxortak. Azken hiru urteetan, ligako txapelkunak izan dira eta iaz Eibarko txapelketako liga eta kopa irabazi zituzten.

Elgetarrek esperientzia handia dute eta talde gogorra osatzen dute, gainera aspalditik jokatzeko dute elkarrekin.

HERRITARREN HITZA / Jabier Arantzeta · Irakaslia

Baskós

Familixako harremanak dirala eta, behin baino gehixautan fan izan naiz Nafarroara. Hara ailegatzen giñan gehixenetan, han egoten zan gizon zahartxo batek "hola baskós" esaten zoskun, bere borondaterik onenakin ongi etorrixa emonaz.

Neri beti egin izan jatan deigarrixa esaera hori. Izan be, han herrixan bertan be, azkenengo hauteskundietan ikusi zan moduan, badira ehunen bat pertsona euren burua "baskó"-tzat dabenak. Hala eta be, aguretxua, "baskó" gora eta "baskó" behera ibiltzen zan. Beti be sinpatiko

eta jator, gauza txarrik esaten ez zebalakuan.

Bada, hau herrixau Mendabia da, eta aurreko domekan, aldamenian dagoen Lodosara 125.000 "baskó" arrimatu giñan Nafarroa Oiñez zala eta ez zala. Bertako batzuk bazeuken kezka apurren bat, horrenbeste "baskó"kin gauza onik ez zala izango eta. Beste batzuk pozik ziran, piparrak sendo salduko zittuela, eta



"Euskeria ez dala banatzeko izan bihar diñue"

beste askok ahalegin haundixak egin zittuen han gertatzen zanetik ezer ez ikusteko (gauza jakiña da ikusi nahi ez dabenak ez dabela ezer ikusten).

Hala ta be, behinguagaittik eguraldixa be lagun, eta han ibili giñan ahal giñuanak euskaraz eta ezin ebenak gutxienez "egunon" edo "eskerrrik asko" esaten. Izan be, gogorra da ikustia gero, horrenbeste eta horrenbeste

"tolerante demokratiko"-ri, zenbat kostatzen jakuen horrek esatia.

Beste gauza batzuk errez asko esaten dittue: euskeria ez dala banatzeko izan bihar, esate baterako, sarri-sarri esaten dabe, erabiltzen dogunok, banatzen dogula esan guraz. Baiña eurei, ez jakue okurrittu be egitten, ikasten hastia bez!

Bada hori, danok egun pasa ederra egin giñuan. Datorren urtian Tuterara, ia ordurako danok benetan "tolerante" jarri eta arabien "shalam Aleikun" eta juduen "shalom" esaten ikasten dugun!

Uriburu UTEK saltzen du:

Domingo Iturbe kalean
ETXABE KOMERTZIALA
 Etxe berrien azpian
PREZIO INTERESGARRIAK
 943 76 11 23
 670 781 759

EROSLE

M. Asun Agirre

Salbador 26
 ELGETA
 Tel: 768190

Aintzane denda



zugandik gertu,
 behar duzun beste

Domingo Iturbe 4, ELGETA
 Tel: 943 768297



Jesus Mari Montiel
ITURGINTZA
ETA BEROGAILUAK
 Artetale 3
 Mo: 656783299 Eibar
 Tel: 943 70 07 19
KONPONKETAK
SUKALDE
ETA BAINUGELETAN

ERRETRATU ZAHARRA

Abuztuko
oporraldia
Elosun

Hainbat irteera egiten dituzte Herri Ikastetxeko neska-mutikoek urtean zehar. Ikasturte hasieran, gainera, hiruzpalau egun pasatzera joaten dira kanpora.

Hori, baina, ez da oraingo kontua. Honako argazki hau 1976 ingurukoa da. Orduan ere egiten zituzten irteerak, eta Elosuko aterpetxera joaten ziren egun batzuk pasatzera, baina ez ikasturtean, gaur egun bezala, abuztuan baizik. Gaur egungo udalekuen funtzioa betetzen zuten irteera horiek, eta irakasle eta gurasoak joaten ziren ziren umeekin. Irakasleak begirale moduan, eta gurasoak sukaldari moduan.

Argazkikoak hiru kinta ezberdineko neska-mutikoak dituzue, 5, 6 eta 7 urte zituzten orduan, eta ume batzuk mozorrotuta daude. Honako hauek dira, ezkerretik eskumara, argazkian azaltzen direnak:

Zutik: ezezaguna, Belen Azkarate, Nerea Garitano, Fernando Garitano, Eli Ena, ezezaguna, Jokin Zubillaga, ezezaguna, ezezaguna, Sergio Colomi-



nas, Miren Karmele Iparragirre eta Olaia Lamariano.

Belauniko: Gorka Garitano, Jon Kortabarría, Mikel Larrañaga, Jesus Mari Amasorrain, Andres Arbulu, Jon Ander Toledo eta ezezaguna.

Argazkia: Miren Karmele Iparragirre

ADI IRAKURLE!

Argazki zaharren bat erakutsi nahi izanez gero, BERRIGARA bertara ekar dezakezu.

Irizar jauregian gaituzu, zatoz!

NOLA ALDATU DIRENGAUZAK

Eguzki auzoa
eraikitzen, 70
hamarkadan

Garai hartako ekonomia-aren oparotasunari esker, 1960ko hamarkadatik aurrera etxe ugari egin zen Antzuolan, Antiguako poligonoa eta Beheko auzoa, esate baterako. Eguzki auzoa, berriz, 1970eko hamarkadan eraiki zuten, 1977an, hain zuzen ere.


Orain, Eguzki auzoaren ostean, errekararen bestaldean, etxeak eraikitzen ari dira.



1977 Berriotxoa eskola eta San Bartolome basiliza bota egin zituzten. Argazkian ageri den zelaian, berriz, Aiherrako etxe multzoa dago gaur egun.



2001 Gaur egun, Berriotxoa eskola desagertuta dago baina San Bartolome basilizaren kanpaia lotu tegi txiki batean gordetzen da.



**Manufacturas
LARRAÑAGA**

- Lan-babeserako artikulua
- Seinaleztapena
- Jantziak

Leizeaga 1. BERGARA
Tr. / faxa 943 76 59 53.



Zumelaga
JATETXEA

59 urte zuen zerbitzura!

San Antonio 5. BERGARA. 943 76 20 21

**Zuri Beltz
margoak**

Barnealde eta kanpoaldean
erreforma
Pintura zerbitzu osoa
Moketak

943 76 14 60
607 447 494
943 76 59 59
Bergara



MEMESA

INDUSTRI HORNIDURAK

Tel. 943 71 24 25
BERGARA



GORLA KANTINA

- **Bazkariak**
enkarguz:
627 818 212
- **Pintxoak**
- **Kazuelatxoak**
- **Ogitartekoak**



ZABALDU BERRIA
•
JABE BERRIAK

**Eskerrik asko,
Elosuko feria eguneko
bezero guztioi!**



Urrun heldu al daitezke enpresak garraio zerbitzu aurreratu bat gabe?



EZ

Begiratu Europa berriari eta merkatu bakarra ikusi. Herralde bakar bat balitz bezala erantzuteko ahalmena duen garraio sare batekin.

Begiratu etorkizunean pentsatzen duten enpresei. Ikusi jada eskatzen ari direla lojistika eta garraiorako aukera berriak. Eta erantzun egokiena eman.

Begiratu ekonomia berriari. Eta ikusi garraioa eta distribuzioa ezinbestekoak izango direla. Nola hitzegin genezake Internet-en bidezko salerosketetaz, primerako garraio zerbitzu bat gabe?

Hauk dira, **Guipuzcoana, Deutsche Post Euro Express** taldean sartzeraz bultzatu duten arrazoiak, Europako garraio eta distribuzio sare aurreratu baten partaide izateko: **Euro Express**.

Emaitzak bidean daude.

